

nissima, & omnibus gentibus notissima
axiomata. v. g. Bis duo sunt quatuor, Ho-
nesta sunt amanda, turpia fugienda, &c.

17. *Cur Deus iubeat nos credere, nos ipsos
conuenerere &c cum hoc non possimus ex no-
bis?* Deus hoc modo nos docet quid debeat
mus, & quid possimus per gratiam ipsius.

18. *An voluntas se habeat purè passivè
in primo instanti conuersionis?* Affirmatur:
non quod instar trunci se habeat (semper e-
nim retinet suam libertatem) sed quod ni-
hil conferat ad supernaturalem istam actio-
nem.

CAPVT XX.

De Lege.

I.

Quid sit lex DEI; Est doctrina diuinitus
promulgata, de cultu Dei recte insti-
tuendo.

2. *Quotuplex sit lex Dei?* Triplex: mo-
ralis, ciuilis, & cæremonialis. Accidit au-
tem tribus hisce speciebus, quod simplici-
ter considerantur, vel inter se miscentur.

3. *An lex & Euangelium differant spe-
cie?* Statuitur thesis affirmatiua, quatenus
rigidum legis postulatum spectatur. Ita e-
nim lex virget justificationem per bona o-
pera